



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Ars Semper Gavdendi**

Demonstrata Ex Sola Consideratione Divinae Providentiae Et Per  
Adventvales Conciones

**Sarasa, Alfonsus Antonius de**  
**Antverpiae, 1664**

§. IV. Ostenditur propositâ praxi, dolores ipsos vehementer subleuari,  
commodèque ferri.

**urn:nbn:de:hbz:466:1-13517**

## §. IV.

*Ostenditur proposita praxi, dolores ipsos vehementer  
subleuari, commodeque ferri.*

27. **E**T verò, scire vultis, quid ea mentis tranquillitas, voluntatisque ad ferendum promptitudo allatura sit commodi? certè præterquam quod actus heroicus sit quam qui maximè ea voluntatis suæ in Deum facta resignatio, maximique prorsus meriti in rebus asperis Numini acquiescere: illud sanè præterea referetis commodi, quod & ipse quam plurimum leniendus sit corporis dolor, & leuior futurus toleratu: nam ut rectè Poëta dicit *lene fit quod bene fertur onus*. Illud enim animaduerto, in omni corporis sensu, dolorem non tantum existere ex eo quod extrinsecè carnem, appetitumque inferiorem animæ, afficit malo; sed & pœnam non modicè augeri, ex ipso resistendi conatu, qui à voluntate intrinsecus adhibetur.
28. Cerrè quod si quis inuitus verberibus excipitur, non ægrius tantum id feret, sed & maiorem persentiscet in membris affectis cruciatum, quam si funiculis bene intortis, toto se tergore pro suâ voluntate flagellet, carnemque contundat insigniter. Experientia manifesta est, nec ratio admodum obscura. Præterquam enim quod ictus inuito qui infligitur, suum afferat corpori contusione dolorem & sensum naturæ asperum, etiam voluntatis conatus, malumque auertentis renisus, magnam quoque in corpus ipsum vim infert, & membrorum, cerebri impennis, intestinorumque compressionem, corporis autem compresio, dolor corporis est. Sanè longè acrius gustum afficit amara potio quam inuito ingeris, præ eâ, licet amarior sit, quæ voluntate tamen imperante, è iudicio medici presribentis sumitur; quamque malo tuo necessarium quod iudicas, volens potas. Hic enim solus gustus amarori se opponit, & vñca tantum affligitur animæ potentia, quæ quidem in palato est, cuique per potionem male est. At verò inuitus præterea cum est animus, etiam voluntati sua infertur vis, quam cum auertere pro viribus conatur, claram iam est duas concurrere auersiones. Natura verò suum

*Praxis hoc  
doloris sen-  
sum mul-  
tum leua-  
bit.*

*Exponitus  
duplex in  
corpo pæ-  
nas, que ex  
duplici  
causa orie-  
tur.*

Yy 2

suum effectum obtinere cùm non possit, necessariò duplex isthic dolor est; carnis vñus, quem pœnam voca; mentis alter, qui propriè est dolor. Habet hoc autem omnis dolor animi, vt carnem quoque cui immoratur, semper pœnâ afficiat. duplex igitur in eo qui inuitus patitur, est pœna; prima quam extrinsecus malum adfert; quam vero mentis male corpus afficientis dolor ingenerat, secunda; caque haud paulò est primâ difficultior.

*Vñā sem-  
per collat  
hac praxis.*

Id ergo non in hōc quem proposui solū, sed in omni qui corpus affligit dolore comperies; quod si libero lubentique animo à superiori voluntate, cuius liberum est arbitrium, à Deo acceptetur, illico senties magnam tibi doloris partem abstergi & minui. illam enim tantummodo pœnam persentisces, quam tibi extrinsecus immisum malum, malaque sanguinis infligit constitutio; ab illâ tamen futurus liber, quam corpori suo immisurum erat, voluntatis inuitæ renitentisque luctamen. Adde quod voluntas prompta, & ad heroicum obfirmata facinus (heroicum autem est pati fortia) spiritus etiam corpori ingentes suggerat & sufficiat, quibus dolori preferendo caro fiat par, imo & superior.

*Timo sapè  
vramque.*

Quid, quod & tanta possit esse hæc voluntatis confirmatio, cumque Diuinâ conformatio tam præclara, gaudium verò exinde tantum, eo quod se videat mortalis homo Diuinæ fieri Prudentiæ instrumentum, sanctissimamque in se compleri Numinis voluntatem; vt non modica lætitia tam iustæ pars, ex animâ in corpus ipsum redundet, non sine deliciis etiam liquidissimis? Quid, quod ea mentis tranquillitas, doloris sensum aut emolliit, aut etiam penitus auferat sàpè numero? Certè nemo id mirabitur; cùm non rarò videamus etiam in charissimorum parentum obitu, hæreditatis adeundæ præconceptam spem, dolorem à naturâ aut infligendum auertisse, aut emolliisse iam inflictum. Fluunt ad cadaueris conspectum lachrymæ, & ad hæreditatis memoriam ridet animus. Fletur quia sic moris est, & quia pudori sit non flerè, vbi tam iusta est recensque flendi materia: interim quia mortem vt sibi proficuum approbat, suauiter fluunt lachrymæ, patiturque dolorem sanè percommode. Id verò si possit hæreditate periturâ confirmatus animus, tantumque in corpus habeat imperium modica illa spes, & ex spe nata lætitia; quid quæso non poterit diuino Numinis plena mens, obfirmata que

29.

30.

que Dei, quæ in se peragit, sanctissimâ voluntate? Risum sane & cachinnos eam cogitationem, in dissecis vstulatisque corporibus, media inter Tyrannorum tormenta excitasse, dudum nouimus. Sed rara hæc sunt, & non nisi ingentis virtutis præmia. Quod si verò ea mentis cum Diuinâ conformatio, dolori tuo tantam vicissitudinem non faciat, vt penitus eum abstergat; illud certè experieris liquidò, non exorbitaturum mœrem tuum: quippe qui afflicturus sit in pondere & mensurâ: eosque tantum excitaturum motus, qui facile ad æqualitatem tranquilitatemque pristinam reducantur.

## §. V.

*Declaratur quo pasto; tuo statu contentus licet sis, possis nihilominus incommoda tui status auertere, imo & statum ipsum quandoque cum feliori permutare.*

31. **T**andem exponendâ est quædam difficultas, & in speciem non leuis, quam credo iam sæpius mentibus vestris obolutam. Id enim ita cum sit, omnibus nempe quæ in me, & circa me aguntur, etiam ijs qui naturam ipsam atterunt & fortunam labefactant doloribus, aut malis acquiescere debere me: illud illico in mentem venit, curam omnem me débere deponere, neque aduersa euitanda, neque verò procuranda quæ proficiat. Voluntati enim Diuinæ standum est, eique totum me debedo committere, tranquillus vt sim. Itaque si æger sum, medicinæ reiciendæ sunt mihi, ne si eas morbo adhibeam, præter voluntatem Dei valeam, ægrum esse me qui voluit. Minus longe filiorum, aut parentum, aut coniugis ægritudini mederi possum, cùm non nisi ex Dei mente valeant male; adeoque neque meis, neque alienis malis subsidium ferre potero, cùm nemo nisi ex Dei destinatione pauper sit, nemo miser. Quid si ergo domum flamma corripiat, an aquam restinguendis ignibus afferri patiar, quos scio, non nisi volente Numine, absūmere ea quæ contingunt & corripiunt? Inuolent ergo, vt publica tangamus, in Prouinciam infesti hostes, cuncta deuastent, & ruinam patriæ moliantur; certè complicatis manibus conspiciendum id est, nec arma

Y y 3 stringenda;

Exponitur  
difficultas